

欽定理藩部則例

第十七冊

欽定四庫全書

卷之四

欽定理藩部則例卷五十八

喇嘛事例三

指認呼彌勒罕定制

章嘉呼圖克圖圓寂所管內外各寺廟及倉上

一切事宜分交各處照管

喇嘛缺分陞替品秩坐次

簡放京城掌印扎薩克達喇嘛

補放京城副扎薩克達喇嘛

扎薩克喇嘛管理廟務

城外各寺廟達喇嘛充當大格斯貴者調補京
內各寺廟達喇嘛

調管

西黃寺事務喇嘛

熱河各廟達喇嘛等選補專條

補放錫嘑圖庫倫掌印扎薩克達喇嘛

補放歸化城扎薩克達喇嘛

補放台麓寺達喇嘛

補放多倫諾爾各寺廟副達喇嘛

東陵隆福寺滿洲喇嘛由包衣人內挑取
西陵永福寺滿洲喇嘛由包衣人內挑取

熱河滿洲兵丁子嗣挑補喇嘛

殊像寺諷誦清字經卷

欽定理藩部則例卷五十八

喇嘛事例三

增纂

指認呼弼勒罕定制

一蒙古番子部落呈報呼圖克圖大喇嘛之呼弼勒罕出世准於閒散台吉或屬下人等及唐古忒平人之子嗣內指認其達賴喇嘛班禪額爾德尼之親族及各蒙古汗王貝勒貝子公扎薩克台吉等子孫內均禁止指認呼

弼勒罕

一各處之呼圖克圖及舊有之大喇嘛等圓寂後均准尋認呼弼勒罕其無名小廟坐牀從前並未出有呼弼勒罕之尋常喇嘛已故後均不准尋認呼弼勒罕

一西藏所屬各地方及西寧所屬青海番子等處所出之呼弼勒罕均各行駐藏大臣會同達賴喇嘛繕寫名籤入於大昭供奉金本巴瓶內公同掣定其蒙古各部落所出之呼弼

勒罕呈報理藩部理藩部堂官會同掌喇嘛
印之呼圖克圖繕寫名籤入於

雍和宮供奉金本巴瓶內公同掣定

一青海察罕諾們汗係扎薩克有管理游牧之
責其擬掣呼弼勒罕時無論親族惟視屬下
人等衆情悅服者入於金本巴瓶內掣定不
與各呼弼勒罕一例辦理

增纂

章嘉呼圖克圖圓寂所管內外各寺廟及倉

上一切事宜分交各處照管

一章嘉呼圖克圖圓寂其所管嵩祝寺法淵寺
智珠寺法海寺等四廟卽交該呼圖克圖商
卓特巴扎薩克喇嘛照管西甯之廓隆寺廣
濟寺兩廟咨行西甯辦事大臣轉飭吹布藏
呼圖克圖照管五台山普樂院鎮海寺兩廟
咨行山西巡撫轉飭五台山扎薩克喇嘛照
管多倫諾爾會宗寺善因寺兩廟卽交多倫
諾爾扎薩克達喇嘛照管其各處倉上一切

事宜亦交該呼圖克圖之商卓特巴扎薩克喇嘛經理

增纂

喇嘛缺分陞替品秩坐次

一京城額設扎薩克喇嘛四缺

雍和宮扎薩克喇嘛一缺有坐牀教習衆喇嘛經卷之責作爲唐古忒專缺以呼圖克圖堪布等充補其餘三缺於蒙古達喇嘛內擇其年陳經卷好者充補一缺於漢人達喇嘛內擇其年

陳明白能事者充補一缺，餘一缺先將未受職之呼圖克圖充補，如無呼圖克圖於唐古忒蒙古漢人達喇嘛內揀選充補。

一由藏調來之堪布等，俱以達喇嘛補用。遇有達喇嘛缺出，應於達賴喇嘛廟慈度寺察罕喇嘛廟達喇嘛內籤掣一人調補所遺之缺。先將堪布坐補如堪布無人，再於副達喇嘛內揀選陞用。

一副達喇嘛三名，遇有缺出，於額設蘇拉喇嘛

十名教習蘇拉喇嘛六名增設額外教習蘇拉喇嘛四名內論其當差年陳者揀選輪流陞用。

一蘇拉喇嘛十名遇有缺出用德木齊二人用烏穆匝特一人再用德木齊二人用固什喇嘛一人後仍由德木齊班次輪用

一

雍和宮四學教習蘇拉喇嘛六名遇有缺出於本學考取名號喇嘛遴補其擦呢特學噶布楚內有

考中莫羅木蘭占巴者補放蘇拉喇嘛時先
儘莫羅木蘭占巴補用如莫羅木蘭占巴無
人再用噶布楚

一

雍和宮之德木齊四名遇有缺出用漢人呢爾巴二人
用蒙古喇嘛經卷好者二人不得濫用

一各寺廟之德木齊格斯貴缺出由該管達喇
嘛將格斯貴呢爾巴內經卷好人明白能辦
事者保送二三名送掌印呼圖克圖驗放報

部記檔

一資福院係洮岷喇嘛普度寺係誦蒙古經喇
嘛同福寺係本廟專缺此三廟之達喇嘛德
木齊缺出仍由各本廟陞用其德木齊等不
准陞用公缺

一扎薩克喇嘛起至德木齊止若因患病不能
當差呈請告假者交掌印呼圖克圖派人驗
看屬實報部給假六箇月調養如限滿不能
痊愈者開缺另行揀放

東陵隆福寺

西陵永福寺香山寶諦寺

圓明園正覺寺功德寺等五廟誦滿洲經卷達喇
嘛副達喇嘛蘇拉喇嘛缺出應於五廟德木
齊內按年陳公同遴選陞用

一扎薩克喇嘛起至德木齊止如遇

御前差使及

中正殿等處道場貽悞一次者罰錢糧六箇月尋

常道場貽悞一次者，罰錢糧三箇月。

一各寺廟之班第內，如有素不安分之人，一經本廟逐出別廟，不得瞻徇收畱。如有隱畱者，交掌印呼圖克圖鞭責四十，失察之達喇嘛、德木齊等，罰錢糧三箇月。

一年班外來之呼圖克圖等，視其品秩之大小，坐於駐京呼圖克圖之次。五臺山之扎薩克喇嘛、京城扎薩克喇嘛、熱河總理堪布坐於外來噶布楚蘭占巴綽爾濟固什之上，不得